

**Теміртау қаласы мен Ақтау кенті аумағында бейбіт жиналыстарды ұйымдастыру және өткізу үшін арнайы орындарды, оларды пайдалану тәртібін айқындау және пикеттеуді өткізуге жол берілмейтін іргелес аумақтардың шекараларын айқындау туралы**

Қарағанды облысы Теміртау қалалық мәслихатының 2020 жылғы 29 шілдедегі № 59/4 шешімі. Қарағанды облысының Әділет департаментінде 2020 жылғы 1 тамызда № 5991 болып тіркелді

Қазақстан Республикасының 2020 жылғы 25 мамырдағы "Қазақстан Республикасында бейбіт жиналыстарды ұйымдастыру және өткізу тәртібі туралы" Заңының 8-бабына сәйкес Теміртау қалалық мәслихаты ШЕШІМ ЕТТІ:

1. Бейбіт жиналыстарды ұйымдастыру және өткізу үшін арнайы орындар, бейбіт жиналыстарды ұйымдастыру және өткізу үшін оларды пайдалану тәртібі, олардың шекті толу нормаларын, бейбіт жиналыстарды ұйымдастыру және өткізу үшін арнайы орындарды материалдық-техникалық және ұйымдастырушылық қамтамасыз етуге қойылатын талаптар осы шешімнің 1-қосымшасына сәйкес айқындалсын.

2. Пикеттеуді өткізуге тыйым салынған іргелес аумақтардың шекаралары осы шешімнің 2-қосымшасына сәйкес айқындалсын.

3. Осы шешімнің 3-қосымшасына сәйкес Теміртау қалалық мәслихатының кейбір шешімдерінің күші жойылды деп танылсын.

4. Осы шешім алғашқы ресми жарияланған күнінен кейін он күнтізбелік күн өткен соң қолданысқа енгізіледі.

*Сессия төрағасы, қалалық мәслихат хатшысы*

*А. Ломакин*

Теміртау қалалық  
мәслихатының  
2020 жылғы 29 шілдесі  
№ 59/4  
Шешімге 1-қосымша

**Бейбіт жиналыстарды ұйымдастыру және өткізу үшін арнайы орындар, пайдалану тәртібі және олардың шекті толу нормалары, бейбіт жиналыстарды ұйымдастыру және өткізу үшін арнайы орындарды материалдық-техникалық және ұйымдастырушылық қамтамасыз етуге қойылатын талаптар**

1. Теміртау қаласы мен Ақтау кенті бейбіт жиналыстар ұйымдастыру және өткізу үшін арнайы орындар мен олардың шекті толу нормалары төмендегідей айқындалсын:

- 1) "Бірлік" сквері", сахна алдындағы алаң. Шекті толу нормасы - 500 адам;
- 2) Ескі қала паркіндегі сахна алдындағы алаң. Шекті толу нормасы - 300 адам;

3) "Ақтау" мәдени-бос уақыт өткізу орталығы" коммуналдық мемлекеттік қазыналық кәсіпорынның алдындағы алаң. Шекті толу нормасы - 300 адам.

Ымырт жағдайында бейбіт жиналыстар өткізуге арналған арнайы орындар жарықпен қамтамасыз етілуге тиіс.

Теміртау қаласы мен Ақтау кенті шерулер мен демонстрациялардың маршруттары:

Теміртау қаласы, Школьная көшесінен Панфилов көшесі бойымен, Республика даңғылында орналасқан Ескі қаладағы паркке дейін;

Ақтау кенті, Циолковский көшесінен Карл Маркс көшесі бойымен, "Ақтау" мәдени-бос уақытты өткізу орталығы" коммуналдық мемлекеттік қазыналық кәсіпорынның алдындағы алаңға дейін.

2. Ұйымдастырушы мен оның қатысушылары бейбіт жиналыстар өткізуге арналған арнайы орындарды мынадай тәртіппен пайдаланылады:

1) хабарламада көрсетілген уақыт бойы жиналыс үшін арнайы орын аумағында болады;

2) ғимараттардың, құрылыстардың, шағын сәулет нысандарының, жасыл екпелердің, сондай-ақөзге де мүліктің сақталуын қамтамасыз етеді;

3) қауіпсіздік техникасының санитарлық нормалары мен ережелерін, қоғамдық тәртіпті сақтау жөніндегі Қазақстан Республикасының заңнамасын сақтайды.

Теміртау қалалық  
мәслихатының  
2020 жылғы 29 шілдесі  
№ 59/4  
Шешімге 2-қосымша

## **Пикеттеуді өткізуге тыйым салынған іргелес аумақтардың шекаралары**

1. Пикеттеуді жүргізуге тыйым салынған іргелес аумақтардың шекаралары Теміртау қаласы мен Ақтау кенті келесі объектілерінде 100 метр қашықтықта айқындалады:

1) жаппай жерлеу орындары;

2) темір жол, су, әуе және автомобиль көлігі объектілері;

3) мемлекеттің қорғаныс қабілетін, қауіпсіздігін және халықтың тыныс-тіршілігін қамтамасыз ететін ұйымдар;

4) Қазақстан Республикасы Президентінің, Қазақстан Республикасы Тұңғыш Президентінің – Елбасының резиденциясы;

5) қауіпті өндірістік объектілер және пайдалануы арнайы қауіпсіздік техникасы қағидаларын сақтауды талап ететін өзге де объектілер;

6) магистральдық теміржол желілерінде, магистральдық құбыржолдарда, ұлттық электр желісінде, магистральдық байланыс желілерінде.

Теміртау қалалық  
мәслихатының

## **Теміртау қалалық мәслихатының күші жойылған кейбір шешімдерінің тізбесі**

1. Теміртау қаласы мәслихатының 2016 жылғы 19 сәуірдегі № 2/4 "Бейбіт жиналыстар, митингілер, шерулер, пикеттер және демонстрациялар өткізу тәртібін қосымша реттеу туралы" шешімі (нормативтік құқықтық актілерді мемлекеттік тіркеу Тізілімінде № 3810 болып тіркелген, 2016 жылғы 31 мамырдағы № 3 "Стальная гвардия" газетінде, 2016 жылдың 16 маусымында "Әділет" ақпараттық-құқықтық жүйесінде жарияланған).

2. Теміртау қаласы мәслихатының 2016 жылғы 13 шілдедегі № 5/5 "Теміртау қаласы мәслихатының 2016 жылғы 19 сәуірдегі 2 сессиясының № 2/4 "Бейбіт жиналыстар, митингілер, шерулер, пикеттер және демонстрациялар өткізу тәртібін қосымша реттеу туралы" шешіміне өзгеріс енгізу туралы" шешімі (нормативтік құқықтық актілерді мемлекеттік тіркеу Тізілімінде № 3912 болып тіркелген, 2016 жылдың 1 тамызында "Әділет" ақпараттық-құқықтық жүйесінде жарияланған, электрондық түрде 2016 жылғы 4 тамызда Қазақстан Республикасы нормативтік құқықтық актілерінің эталондық бақылау банкінде, 2016 жылғы 19 тамызында № 6 "Стальная гвардия" газетінде жарияланған).

3. Теміртау қаласы мәслихатының 2016 жылғы 6 қазандағы № 7/5 "Теміртау қаласы мәслихатының 2016 жылғы 19 сәуірдегі 2 сессиясының № 2/4 "Бейбіт жиналыстар, митингілер, шерулер, пикеттер және демонстрациялар өткізу тәртібін қосымша реттеу туралы" шешіміне өзгерістер енгізу туралы" шешімі (нормативтік құқықтық актілерді мемлекеттік тіркеу тізілімінде № 4008 болып тіркелген, 2016 жылғы 31 қазандағы № 8 "Стальная гвардия" газетінде, 2016 жылғы 31 қазандағы "Әділет" ақпараттық-құқықтық жүйесінде жарияланған).